

靜

厓

詩

初

稿

昔人譚藝謂物不平則鳴詩窮而後工此偏論也十二  
律肇自鳳鳴鳳皇生聖人之世其晨鳴曰賀世晝鳴曰  
保章應呂協鍾用冠乎萬籟是豈有不平於中者詩三  
百篇多勞人思婦之什而二南大雅三頌用之閨房薦  
於朝廟所以感天地動鬼神洽人心而通萬物天下立  
言君子豈不貴宣豫達和為休明之鼓吹而必曰不平  
而鳴窮乃益工乎余竊謂境之屯亨不足論亦視其詩  
何如也如余少孤而貧久困試棘五十始偉一第可謂  
窮矣詩宜工甚而自檢所作恒愧其不工當代名公鉅

鄉陟通顯履清美工詩者不少乃信詩之工不工在人  
不在境也太倉汪子敬箴為余座主持齋夫子賢嗣余  
嚮識之吾邑曹氏座上英英玉立言論風采懾人耳目  
今秋需次歸謁師之里與之相見甚懽始得盡讀其著  
作其自少即於漢魏六朝唐宋元明之詩無不辨晰源  
流參證得失犁然有當於心故發而為言無體弗具無  
美弗臻參乎名家大家可以榮世壽世蓋淵源於庭訓  
扞寫乎天姿而又助以名山大川之往來才流英俊之  
贈答弱冠之年凌轢踔厲才望已駸駸與王元美相埒

正如九苞之鳳鳴應昌期必將於二南大雅三頌有合  
豈能量其所至哉是豈富貴福澤之境所能掩其性情  
者哉余老不工詩烏能序汪子之詩異日詩傳而序不  
傳則余固知余言之不足傳也乾隆三十有七年歲在  
元默執徐嘉平月中澣上海施潤序

僕少壯不自樹立未能潛心正學所為辭章榮華其言  
諧俗而已顧性喜吟詠積時盈帙始自庚辰訖於戊申  
得詩若干首釐為初稿十二卷嗟乎四十無聞面牆奚  
悔學詩云乎哉乾隆歲次己酉正月旣望鎮洋汪學金  
靜厓氏書於都寓之憶滄嵐室

靜厓詩初稿目錄

卷一

古今體三十一首

起庚辰盡壬午  
隨任閩中作

卷二

古今體七十五首

起癸未盡丁亥  
里中作

卷三

古今體七十七首

起戊子盡庚寅五月  
入都隨任江右作

卷四

古今體八十一首

起庚寅五月盡辛卯九月  
自江右入都往返作

卷五

古今體五十六首

起辛卯十月盡癸巳三月  
自江右還里入都往返作

卷六

古今體五十七首

起癸巳三月盡甲  
午六月入都作

卷七

古今體四十三首

起甲午七月盡十二  
月之末蘭往返作

卷八

古今體八十一首

起乙未盡辛丑  
三月官內閣作

卷九

古今體五十二首

辛丑得第  
官翰林作

卷十

古今體七十二首

起壬寅盡癸卯  
六月官翰林作

卷十一

古今體三十四首

起甲辰盡乙  
巳里中作

卷十二

古今體八十七首

起丙午盡戊申奉  
使江右往返作



靜厓詩初稿卷一

鎮洋 汪學金 敬箴

古今體三十一首

起庚辰盡壬午  
隨任閩中作

余年十三學為歌詩茫然不知所向每擬唐人作  
以為標準錄存若干首間為刪潤以志問津之始  
云爾

陳拾遺感遇

大化後羣動貴賤各有營端居契元覽憮然歎勞生蜉  
蝣耀文采焉知歲序更何為百年內空期千載名

青入言才利  
薛少保還京

辭家返京國壯懷輕遠游客心共河水滔滔日夜流西  
登灞陵岸城闕參差浮咸陽據形勢古來帝王州子房  
翊炎漢尚父扶興周待時且釣渭乘運遂封留功名際  
時會志士徒煩憂

張曲江齋中

衆山淨秋容雲峯抱初日霜空送次寥林壑遞清瑟羈  
緒對蕭晨幽懷憩蘭室息機輟簿領忘憂親卷帙採徑  
萎春葩寥林榮晚實盛衰固有時進退諒可必田園胡

不歸衛生賴芝朮

李供奉古風

東周王迹熄雅詩遽淪亡  
輶軒不採風巴里誰激揚  
楚騷嗣遺響哀情曷清商  
漢京樹宏達著作何煌煌  
曹劉及陶謝崛起爭軒昂  
餘子才力薄曼聲逮齊梁  
鐘虞委蔓草箏阮登明堂  
昭代炳文治羣彥相扶將  
三光蕩氛靄顥氣橫秋蒼  
抗志慕隆古俗眼驚其狂  
斯文庶在茲獨立心蒼茫

王右丞飯僧

靜佳詩初稿

卷一

觀空學無生形神苦瞑眩偶得方外交殷勤如宿眷顧  
我肯來遊怒如慰既見掃室柏子焚洗鉢山蔬薦施食  
鳥雀馴忘機花草絢大道離語言浮生謝羈絆白雲歸  
空山延望增悽戀

孟山人懷友

碧雲澹無際曖曖河漢光林樾遞餘爽池館追微涼月  
桐弄清影風荷生暗香余情慕高潔古調歌滄浪獨夜  
耿無寐彼美意難忘

李新鄉晚歸

乘興偶然去信步投東皋夕原下樵牧炊煙在林梢寒  
蟬響秋坂昏鴉爭暮巢歸來謝物役臨水掩衡茅

諸太祝田家

時雨旣已降全家在東菑吾儕自食力四體焉知疲健  
婦習操作勞苦無不為前年買黃犢今年犢有兒牧童  
得其性卧起雨不違竭力供我役慎勿輕鞭笞日暮荷  
鋤返月色侵柴扉秋風空外來燈火鳴寒機耕織分內  
事營營安所希

王龍標玩月

月上東南峯徘徊在軒墀天風一迴蕩林影相參差圓  
靈無始終皓魄有盈虧餘光不可留霜露亦已滋故人  
在山陰今夕夢見之越溪采芙蓉寄我慰相思

高常侍登隴

仗劍赴絕域度隴還踟躕西流嗚咽水送我萬里餘風  
塵凋短髯雨雪埋單車丈夫意慷慨莫寄隴頭書

岑嘉州山行

匹馬上陂陀石梁苦脩阻落葉響秋山飛作空林雨暝  
色晦浮嵐夕陽澹平楚沈寥感素節羈孤傷逆旅此行

殊未休徒聞子規語霜露念衣裳寒村急砧杵

常盱眙琴興

客心如太古夜靜聞希聲聲從何處來煙波渺洞庭一  
彈秋月落再彈秋風生乃知水仙操可以移我情

杜工部望嶽

泰山何巖巖氣象壓寰宇中峯吐日月下界洩雲雨低  
頭象緯垂矯步飈輪舉煌煌封禪文皇風邁三五

元道州諭舊

昔我灤溪住鷗鳥隨我游今我灤溪來驚麋竄林邱私

青  
心竊自怪細思良有由得非軒冕榮而貽山林羞曰余  
嬰世網忽忽徂春秋在進不忘退既退亦可休行吟清  
溪畔散誕寬百憂笑問諸父老尚憶故人不殷勤道桑  
麻暇即傾觥籌愛此風俗淳重以溪山幽相從舊鄰里  
終老營菟裘休道種瓜人舊是東陵侯

錢考功早渡

曉原不逢人霜天暖遙素煙中聞鴈聲村口漁家住  
曲話舊鄰殷勤覓前渡白雲掩山扉蒼苔淨溪路依稀  
認敝廬歡然接親故



韋左司宴集

飛雨洗炎埃清光入迴望臺榭涵虛涼煙雲合溟漲三  
吳名勝區閭閻師揖讓一麾擁節旄淺才不自量暇日  
引嘉賓民風藉延訪迹疎臭味諧機閒耳目曠酒醴時  
酌酌筍蒲迭相餉願言文史娛匪曰鐘鼓貺諸君圭璋  
器令德發高唱淳古尋希聲淡泊秉微尚欣賞獲素心  
品題媿括匠泱泱大國風江山吐清壯

柳儀曹南澗

不知南澗遠步屨忽而至秋氣已蕭森寒山轉蒼翠偶

來獲奇賞獨往結遐思絕壁走煙蘿空潭卧霜茅謫宦  
感羈孤衰形歎顛顛弱植難自堅孤根坐相棄荒遐誰  
見憐靈秀豈終秘後遊緬前蹤知余慕高寄

韓吏部秋懷

病蟬抱落葉哀雁叫寒葦人生曾幾何霜風摧百卉美  
璞比無瑕貞筠喻有斐古調信獨彈素尚耐羣譏大義  
炳羲娥雄辯泣神鬼語言恥雷同典誥慕煌煒抗懷千  
載上欲竭才力菲

白少傅孤桐

一株聳危青半庭  
暮空翠孤懷不自知  
直上性所至老  
僧手植初歲月  
猶可記空門閱世多  
此樹成陰易或者  
雨露私豈有根株異  
拔地少依違干霄絕  
撓避寄語當  
塗人青雲須自致

孟漂陽苦寒

狐裘失故溫金爐滅餘燄  
哀哀履霜子短褐常不掩  
粟膚縮僧寮繭足裂樵  
广高歌風雪中破壁一燈閃

素心蘭

澹澹含秋思沈沈吐素心  
美人隔湘浦雲水一何深  
清

露自成馥炎風不受侵誰為表高潔對此撫瑤琴

登筆峰樓晚眺

樓在福州使署

古閣倚霜松蒼濤吼遠鐘碧雲消海氣紅日變山容縹緲鰲峯冠參差雉堞重臨風數歸翼萬壑暮煙濃

食荔支作

美人細擘紅綃裂瓊膚軟裹丁香結晶丸錯落瑪瑙盤沁齒冰漿噉甜雪陳家紫並方家紅君謨譜出品不同天生美好豈易致尤物却墮炎荒中楊梅盧橘亦佳果比色香味無一可會須策馬上楓亭飽啖青林三百顆

讀蘇秦傳

金盡歸來日誰憐蘇季貧揣摩六國相睥睨一家人談  
笑能成約功名竟殺身何如黃石略孺子却亡秦

夾竹桃

翠粉紅粧絕妙姿猗猗灼灼此兼之  
息嬌不語湘娥泣併入西風懊惱時

秋日登烏石山頂

海畔嚴城四望迴登高誰是大夫材  
人從獨鶴巢邊過山向連鰲背上開  
暗澗湫流含雨響晴霄飛磴帶雲來

老僧攜我峯頭立笑指東溟水一杯

灘行

水石怒相鬪風霆挾飛濤輕舟穿其中屈曲爭秋毫  
溯流艱尺咫衆力聚一篙陡落勢千丈但見船尾高  
少年恃意氣涉險頗自豪境過夢猶噩寸心增勞忉

山行

衆山插對面絕壁天為鄰初疑無路入舉頭空嶙峋  
與僮爭一線捷足奔麇麇盤折轉陂陀奇境皆可欣  
翠微本難辨到此一一分天風戛松篁鳥語寂不聞  
岩谷遞

清嘯知是武夷君下山逢老樵行歌送夕曛夜投村館  
宿衣裳生白雲

建陽道中早發

雞唱登前坂霜花襯馬蹄人迷三里霧路轉百重溪水  
碓高於屋山田疊似梯一村楓和樹爭壓帽檐低

過嚴陵釣臺作

丹楓為幃石為屏百尺高臺照客星兩岸猿聲落秋水  
至今山色為誰青

渡錢塘江

靜厓詩初稿

卷一

旦發富春渚江潮百里通  
舟隨三折下天入四明空  
春草沙疊碧陽烏海嶼紅  
西湖風日麗樓閣畫圖中

靜厓詩初稿卷一



靜厓詩初稿卷二

鎮洋 汪學金 敬箴

古今體七十五首

起癸未盡丁亥里中作

春晴東陸秋涯

枝頭啼鳥已呼羣  
陌上光風又送薰  
深院午晴颺柳絮  
小窓春冷壓梨雲  
冶情宛轉青絲管  
浪墨歌斜白練裙  
底事多愁復多病  
櫻桃花發最思君

泊舟芋墩

小艇緣溪行  
繫纜垂楊塢  
綠野炊煙微  
人家在春雨

詠秋三十絕句

霜信頻催塞北鴻。幾聲嘹唳月明中。  
西風吹落平沙岸。一夕江湖客思同。

寒山古寺暮雲封。殘夢初回夜半鐘。  
落月無聲霜影白。孤僧應宿最高峯。

蕭條山館對寒缸。天外西風雁幾雙。  
恠底殘紅挑不起。霜花吹上碧紗窓。

偶乘幽興訪東籬。不正柴門竹屋歌。  
曲徑三三人獨到。籃輿繞遍菊花時。

晴空暖暖澹寒暉。返照疎林逗板扉。平望霜畦秔稻熟。  
荷鋤人影水西歸。

煙波泛宅漢陰漁。鷓鴣輒無聲。夜色初。且傍荻花灘上去。  
半溪斜月釣鱸魚。

榜外霜風起短蘆。蕭蕭秋思滿江湖。月明極浦花如雪。  
碧水寒沙雁影無。

野渡村橋煙水迷。夕陽芳草尚萋萋。三春楊柳今搖落。  
莫遣行人上舊隄。

巖石骨露蒼厓。萬壑長風蕩積霾。山雨松泉飛不盡。

靜厓詩初稿

卷二

二

層。峯。十。丈。落。芒。屨。

盡日松扉掩不開。荒階陰綠澗莓苔。斜陽秋草閒庭院。  
山鳥啄殘人不來。

鱸魚鰕菜鬪時新。輸與清香雉尾尊。一自陸機張翰後。  
江南此味屬詩人。

淡淡秋旻剩片雲。白衣蒼狗靜中分。有誰來問南山樂。  
一笑悠然贈與君。

板橋秋水繞柴門。殘照西風落葉村。野老東鄰沽酒去。  
數聲牧笛晚煙昏。

涼颼颼颼襲羅紈暑散秋深漸覺單正是西牕明月夜  
露華霜氣怯憑闌

落葉清霜碧樹灣晴峯點點露煙鬟謝家詩句米家畫  
江上夕陽山外一。

水墨林巒夕照邊空濛秋思五湖煙鷺鷁飛處青山盡  
忽放江南雨後天。

空庭露下靜秋宵大火西流見斗杓人倚竹樓明月裏  
雁聲低處笛聲遙

村居十里盡編茅白草連天霜滿郊雲外駕鷺聲起處

獵場風色上青駁

大江日落舞鯨鼇動地秋風捲暮濤兩岸青山沈不見  
海門一髮接天高

空濛秋色露華多十里芳塘漾碧荷鏡裏紅衣秋月冷  
夜深人靜不聞歌

疎紅生碧染秋霞籬下牆根綴晚花回首春風歌舞地  
可憐輸與野人家

依然垂柳復垂楊秋水平鋪十里塘雙槳小船明月下  
采菱歌裏覺新涼

獨坐空堂欲二更。松濤萬壑起秋聲。小窗一夜聽風雨。  
不道星河分外明。

夜靜秋涼幾點螢。傍檐飛處尚星星。西風吹入殘荷裏。  
照見紅衣墮冷汀。

霜爪星眸臂上鷹。秋來骨聳足飛騰。寒雲萬里摩空去。  
落日西風下五陵。

曬網晴灘暮未收。吳歛低唱起沙鷗。幾行衝破溪煙去。  
秋水殘陽荻滿洲。

秋夜誰家斷續砧。數聲和怨入寒林。閨中莫道今宵冷。

霜雪交河深復深。

冷雲濕翠護茅龕。夾路靈楓與石楠。落葉空山斷行跡。  
一聲清磬度浮嵐。

十里村橋挂酒帘。新醅滿甕水精鹽。一鞭閒起斜陽去。  
黃。葉。無。風。落。帽。簷。

滿江細雨白涼衫。猶剩西風舊布帆。秋水洞庭天一碧。  
扁舟飛度萬重巖。

酬寄上海曹南枝丈

美人在申浦。楊柳春風青春風。寄瑤華草綠湖上亭。日



夕望雲山參差展翠屏相思不相見何日駕風舲

吳淞舟夜

百里吳淞路孤帆去不休春星楊柳岸江夢木蘭舟社  
火藏村口漁榔響浦頭多情有明月幾度欲勾留

送春作

不知春已歸曉看林花少入戶下深簾但喚山童掃

次韻答閔敦甫丈

少歲詩名冠浙東而今髩雪夕陽中治聲有酒呼從事  
促膝無言借楮公敦甫病聲相見以素紙筆談為愛遠遊思製屐自

憐老病避招弓何時一訪龐高士煙水門前舶趁風

納涼同室人作

小門曲逕綠成叢繞屋扶疎半畝桐初霽蛙喧荷港水  
晚涼蟬噪桺塘風閒繙藥譜兼茶譜細理詩筒與釣筒  
最愛竹林深處坐半彎新月上簾櫳

題放鴨圖

江干四面桺陰綠家家放鴨溪邊浴蹴破菱塘半畝煙  
夕陽一片明山麓余亦滄江舊釣徒扁舟秋思在菰蘆  
翠毛錦翼衝波去櫂歌唱入鴛鴦湖

七夕

幽景生深閣明粧出晚庭前宵拜新月今夜祝雙星鏡  
檻河光淡燈筵露彩熒更闌乞巧寵花下影娉婷

同陸秋涯過話雨山房訪月印上人晚步鴻雪堂  
底事僧扉剝啄頻紙窓木榻覓閒身蘚花寒碧蛩啼院  
松葉陰黃犬吠人秋色未荒三徑菊禪心同證六時塵  
本來鴻雪無畱跡苦向閻浮叩宿因

就舍旁隙地闢為圃藝菊數十本花時羅列小室  
坐卧與俱題曰澹香書屋系之以詩

志以澹而寧交以澹而敬紛華靡麗中道心貴堅定曰  
余懷孤芳頗具違物性結廬人境內泊然無所競學圃  
插疎籬種菊開晚徑愛此霜下葩色香稟清正爾室晤  
對之心神見明淨高詠慕希聲叩寂難為聽風露滿空  
庭掇英欲誰贈

月夜看菊

攜得詩瓢與酒瓢芒鞋棕帽到山寮多情好月成三影  
作意名花學二喬名菊半夜嫩寒生翠羽十分冷豔借青  
鬢樊川小杜風流甚扶醉歸來興未消

晚秋遊梵鐘禪院

高秋風日佳策杖尋荒坻松林生雜黃蓼花變深紫古  
閣倚層霄坐覺霜空洗一雁下平皋天半秋聲起山僧  
扣晚鐘餘響落潭水

蘆花和韻

瑟瑟汀洲朔氣嚴亂花如雪夕陽銜那堪南浦迷歸棹  
又向西風送去帆羈客蕭騷憐白髮才人飄泊上青衫  
江湖霜信年年早雁字闌干下碧巖

臘八粥

臘鼓村村送歲寒  
山厨炊罷報朝餐  
冷錫舊記燃榆火  
雜果今傳和粉團  
驟得溫暾逾郊酒  
又逢故事近辛盤  
腐儒自耐蘆鹽味  
僧鉢分來一例看

雪後遊南園呈王竹娛先生二首

一道寒流逐徑斜  
柴門低掩短籬笆  
夕陽深竹明殘雪  
小閣平湖度晚霞  
綠野曾開丞相圃  
青山應讓野人家  
此閒鷗鷺忘機久  
閒逐溪翁上釣槎

潭影軒中寄此生  
樊村涇畔樂躬耕  
扶童晚朮和雲屬  
畱客春茶埽雪烹  
叢桂百年尋隱趣  
瘦梅一樹見詩情

小窓容我參談麈流水琴絃調最清

吳門春遊

吳苑春遊取路遙東風草色綠山腰水邊楊柳參差郭  
村外桃花宛轉橋繞樹流鶯歌舫密撲襟絲雨酒顏消  
歸船愛趁新晴月小倚蘭橈聽玉簫

泊舟山塘雨後虎邱閒步

虎阜山前一繫舟晚晴步屨引清遊月華澹碧橫江出  
石氣空青帶雨浮禪宿何年開淨界霸圖終古賸荒邱  
後山要看湖光好紫竹林中更倚樓

青人言才  
胥江夜泊聽雨

一鳥沒前浦歸帆逐去波  
春陰天半落江雨夜深多渡  
口明漁火煙中辨棹歌  
徹宵篷背響不寐意如何

初夏閒居

惠風暢懷抱廣庭春已歸  
幽林香未歇深逕綠尚微  
端居感羣動方寸盈化機  
落花旣辭樹委地猶依依

風雨泊舟黃埠墩晚登佛閣眺望

歸鳥疾飛下汀葦雲氣蜿蜒九龍尾  
濤頭一線白雨來風急江豚吹浪起  
此時輕舟擲空下其勢瞬息可千里



頭篙梢柁不得力落葉狂飈颭江水一磯忽露蒼煙垠  
屹然便作中流砥老樹槎枒繫繩纜易危為安憂變喜  
須臾風止雨亦收百丈澄湖明見底沿緣覓逕轉陂陀  
老僧開門脩竹裏晚晴邀我坐小閣禪榻茶煙對檀几  
千峯螺髻淨林垆萬瓦魚鱗羃城市湖天蕩漾芥帶空  
瀉入襟懷滌塵滓翻從險阻得快意世事乘除悟此理  
布帆催挂不自由清磬疎鐘滿人耳

雨中之棲霞覓宿處

一角青山沒遠痕斷雲含雨入遙村落花萬片紅浮澗

修竹千家綠到門猿嘯不堪愁裏聽馬蹄猶覺夢中喧  
會須石佛龕邊宿絕壁煙蘿手自捫

秦淮秋泛

兩岸秦淮舊柳條畫船雙槳趁歸潮煙波有夢迷千里  
花月無情送六朝殘醉幾回傷遠抱薄遊未肯負良宵  
興亡往事如流水金粉何須憶板橋

過廢園

族中甸  
封舊居

老屋無人到瀟瀟暮雨濃風流傍名墅零落歎吾宗顏  
壁纏苔蘚荒庭倚石松登樓倍惆悵古寺數聲鐘

元夕詠魚燈

西漆南油照綺筵  
試燈風過弄漪漣  
驟騰雲氣煙浮桂  
小戲春光燭吐蓮  
星燦銀河霞紫翠  
珠銜玉殿夜澄鮮  
鯨魚鱗甲行飛去  
好與蘭成賦共傳

月夜訪梅

明月招我遊信步出門去  
蒼然夜色微小橋橫古渡疎  
林浮遠煙花影紛無數  
宿鳥時一聲寂寂春山路欲訪  
林逋蹤白雲杳何處

送梅

青房言不  
夢醒羅浮逐曉煙  
瑤臺何事名癯仙  
竹樓殘月誰家笛  
小別東風又一年

送春

春光春恨兩茫茫  
鶯道春歸又暗傷  
柳線難牽飛絮住  
榆錢不買落花香  
寒拖翠袖鸚哥懶  
晴捲珠簾燕子忙  
更覺閒愁消不得  
綠陰滿地日初長

采蓮辭三首

蓮歌新唱浣溪紗  
白白紅紅閒淺霞  
憶到鳳城消息遠  
回船怕見並頭花

小倚新涼掠髻絲畫樓吹罷玉參差紅衣墮處無人見  
月白風清子夜時

垂柳垂楊第幾橋吳歛低唱最魂銷藕絲不斷蓮心苦  
莫向秋風蕩畫橈

幽居

幽居一無事詩思在林塘高柳三閒屋疎桐六尺牀病  
餘惟好靜雨後易生涼自得清閒味何須學老莊

秋夜聞笛

高館聽秋風愁心夜笛中幾聲催落葉一夕喚征鴻垂

手人何處登樓曲未終好將孤夢去殘月冷江楓

雲吟先生招月波艇看菊

秋色淡如水疎花明夕陽斯人繼彭澤此地卽紫桑深  
牖寒生綠空庭晚欲霜更邀新月上瘦影近匡牀

雪中之玉峯

東風吹不盡花絮一重重驟偏春裘冷金消外酒濃落  
帆林雀避倚權野梅逢指點山城裏佳名稱玉峯

上海城南看桃花次雪園內弟韻

攜榼春城去扶筇老圃行穠花三月暮斜照一渠明路

盡源何處煙深畫不成落紅緣底急聽到幾聲鶯

柳枝辭

陌頭不改舊青青陌上鞭絲去不停郎作浮萍逐流水  
妾隨落絮化浮萍

池上作

池上居然濠濮心偶從靜裏覺流陰花含晚色臨幽檻  
鳥試春聲遍舊林濟勝未閒康樂屐知希自賞伯牙琴  
此閒杳與紅塵隔始信年來閉戶深

老竹

鸞鶴何年去蕭蕭賸碧陰君寧遭束縛我亦露崙崙自  
有凌雲勢還存傲雪心獨懷孤直意日暮且高吟

七夕穿鍼曲

秋光如水透玉屏美人斜睇波盈盈廣寒寶鏡未離匣  
一痕剛對蛾眉生拜月堂中聞笑語風前羅袂參差舉  
眼角朦朧對月鍼心頭飄蕩隨風縷綵縷穿成得巧多  
遙看織女渡銀河明朝各把金鍼繡比較鴛鴦樣若何  
晚秋隨侍外祖遊梵鐘禪院過施明府別業

危樓百尺倚喬松海上雲嵐碧幾重野色低迷黃葉寺



秋聲遙亂夕陽鐘歸來杖履人猶健話到林泉興便濃  
此處近尋彭澤宰菊花籬下漫相逢

貼茅消寒會分咏寒梧

霜綠一庭鋪高寒生井梧花時藏小鳳葉盡怨啼鳥夜  
雨疎疑斷餘暉淡欲無微之瘦如削對此益清孤

元微之詠

桐贈樂天詩云  
思君瘦如削

題聽瀑圖

松濤與澗水空外盡秋聲林壑最深處還疑風雨生空  
山成獨往徒倚若為情隔浦樵歌起蒼然暮靄平

雪後同人集平遠閣望學山園故址得鄰字

風雪餞殘臘梅柳含韶春招我素心友觴詠及良辰新  
拓數閒屋得與名園鄰寒雲抱幽壑凍雀依荒榛夷令  
既好古西銘獨扶輪瞬息曾幾時池榭為埃塵繁華寧  
足道惜哉風雅淪日暮長太息誰為後起人

靜厓詩初稿卷二

靜厓詩初稿卷三

鎮洋 汪學金 敬箴

古今體七十七首

起戊子盡庚寅五月入都隨任江右作

初春入都留別同學諸子二首

五年淹滯婁江畔  
此去將觀太學碑  
敢冀射熊誇獻賦  
却教趨鯉喜聞詩  
家聲篤守文章業  
國器慙非特達姿  
一事故人差信我  
恥將裘馬效羣兒

樽酒津亭可奈何  
春山如黛水如羅  
柳芽惜別垂痕淺  
草色留人著意多  
北極五雲瞻紫氣  
東風二月渡黃河

靜庵詩初稿

卷三

我行馬首三千里慷慨休為勞者歌

胥江夜泊登萬年橋望月

胥口驛前風露饒鐘聲漁火最魂銷月明子夜誰家笛  
人上吳江第幾橋舊雨漸成萍跡散春風應惜馬蹄遙  
緣知一別愁如許剪燭篷窓話晚潮

元夕

客裏逢元夕篷窓聽急流我行纔七日有夢在孤舟燈  
火明官驛人煙冷戍樓今年江上月一度已當頭

舟夜

月落江煙昏孤舟趁潮去忽聞雞犬聲知有人家住

京口守風登蒜山水神廟望江口

朝尋蒜山麓躡履丹梯陡古廟雲氣陰恍惚百靈走登  
高一俯眺豁然見江口鵬霄窮端倪鼇極奠樞紐自顧  
塵埃軀渺然非我有天風四面來獨立不可久

渡江

揚子津頭曉打鼓十丈帆檣出煙浦誰開天塹限東南  
直走地勢分吳楚江上長年慣弄舟側身使舵聲如虎  
虛空一擊碎玻瓈水花散作晴江雨中流忽見金焦峯

亭亭出水雙芙蓉靈根下蟠一千尺其上迺現瓊樓紺  
殿要妙而玲瓏赤烏騰躍照萬里倒景直偪鮫人宮春  
霞蜿蜿飛不落但見潮頭樹色天半青濛濛西去夕陽  
東去水弔古悲懷不可止溫嶠燃犀可奈何太白騎鯨  
長已矣神仙幽怪半渺茫紛紛飽食書生耳欲召天吳  
一問之恐有風濤繞船起

晚抵揚州

輕帆飽挂潤州城獨客中流汗漫行日落海門風有色  
月明瓜步水無聲隨波蕩漾漁船穩入野微茫雉堞平

聞說廣陵佳麗地果然春色渡江生

遊平山堂

廣陵從古繁華地春色平山處處深  
我愛梅花三百樹不沾金粉到如今

梅花曲為吳峴山文賦

延陵山人毋乃有仙術不然焉能縮取羅浮歸丈室  
廿四橋頭春色明廣陵合號花王城平山堂前千萬樹  
官閣從來舊有名山人買花不論錢道逢畦丁喜欲顛  
大瓶小瓶淨於玉一一皆署宣德年呼童曉起汲金井  
碧

泓貯取春泉冷斫竹為屏復為架楣間棟上花枝亞綠  
萼本是仙家名玉蝶應隨香夢化山人彷彿瑤臺居此  
中合貯羽衣霓袖之仙妹吳太多姬侍月明半髯雲斜女  
郎顏色真如花冰雪精神月魂魄梅花亦似傾城色世  
閒二妙併在君林逋紙帳何足云嗚呼山人為我吹橫  
竹遲聲和我梅花曲

晚泊召伯

解纜邗溝上淮流北去長潮頭連雨白風色挾沙黃新  
燕依牆慣遊魚避權忙倚舷看晚泊暮靄更蒼茫



新晴

雨歇平蕪外舟人蕩槳喧魚蝦江上市雞犬岸傍村官  
驛三千里春風廿四番梅花將落盡玉笛黯銷魂

過淮陰驛

千載登壇蹟銷沈歎逝波川原奇氣在我輩復經過夕  
照依城盡春寒近水多蒼茫何所望暮色接黃河

花朝無花有感

昨日已作渡河客黃沙四面春無色今日花朝不見花  
無花令我心咨嗟我家本住婁江曲短籬矮屋新營築

去年學圃興頗佳盡日栽花復栽竹環池遍植柳與桃  
棠梨郁李紛周遭際此東風花信至千紅萬紫春煙嬌  
如何相別遂相失種花不見花開日幾時飛夢過江去  
紅雨江南最深處

月夜

落日一溪幽扁舟去不息亂鴉返村墟蒼蒼暮煙積春  
夜月最佳空林澹生碧孤榜響汀洲水禽飛拍拍東風  
吹柳花韶光去無迹偶觀垂釣人始悟勞行役

北河舟次

平野連天濶長河帶郭斜客程遲候燕暮色急歸鴉煙  
柳低垂岸春潮淺露沙直沽七十二好覓酒人家

### 望西山

蒼然首尾抱盧龍陡壁危厓一萬重秋色淺深浮碣石  
夕陽紫翠滿居庸關山特設神州險戎馬空悲往代蹤  
底事瞢騰人海內不聽夜半玉泉鐘

### 萬柳堂故址

瀟灑琴尊庶左丞風流裙屐趙吳興當年驟雨新荷曲  
尚有燕姬唱未曾

讀李空同先生詩集

正聲北地息啾喧  
忠愛憂思那可言  
傷亂二南成小雅  
起衰八代見開元  
罵曹激切陳琳憤  
陷賊流離李自冤  
莫怪後人爭掎擊  
原來心事不同論

過趙北口

趙北燕南地蒼茫  
旅客過西風吹易水  
落日下滹沱大澤  
龍蛇動荒原雁鷺  
多市中屠狗散無  
復有悲歌

桐城道中早發

山行值新霽朝陽散  
初景孤煙淡遠空  
淺翠罨層嶺鳴

雞忽登垣病犢猶蹲町山村未開門人家在霜影

渡潯陽江

天塹從來控上游夕陽西下水東流九江城郭寒潮合  
六代風煙故壘浮去雁暮雲彭蠡樹啼猿秋色武昌樓  
郵亭一掬青衫淚怕聽琵琶夜泊舟

望廬山

廬嶽仙靈宅摩空勢絕羣峯留太古雪樹出四時雲  
虎跡寒溪見猿聲落日聞欲求真面目騎鶴問匡君

過東林寺

不識遠公地行行過虎溪石林殘雨響樵徑亂雲低落  
葉埋人跡疎鐘送馬蹄風塵猶故我何日問禪栖

匡廬泉水歌

我騎長鯨渡江來芙蓉四面匡廬開潯陽郭前覓蹇騎  
虎溪十里東林寺東林寺過聞水聲花閒石上琴絃鳴  
拂地松風淅淅瀝曉角清哀更霜笛嗚咽忽作塞水流  
落葉蕭條關隴秋千聲萬聲塌青嶂燕市高歌調悲放  
晴天撲面秋雨飛蛟龍噴珠濺人衣何年天上銀河落  
頓覺冷然坐寥廓匡君置酒香鑪峯導我玉節雙青童

興酣一吸三百鍾口乾面赤心神慵水簾隔座清肌骨  
一片碧雲貯涼月玉川七碗亦自豪龍團鳳餅真徒勞  
冰漿滌醒紅埃夢便向丹爐乞飛汞始知漢武非仙才  
枉費銅盤承露臺我家本住吳江曲惠山那及廬山谷  
匡君匡君為我汲取萬斛泉供我放歌長醉江南天

滕王閣

珠簾畫棟野雲黃閣外江聲送夕陽不是才人留一序  
更誰千載說滕王

雪

雪花空外欲成團  
雙袖清寒凍鼻酸  
庭畔已無人咏絮  
隨風還上玉闌干

時有亡妹之戚

雨窓示幕中諸君

春到傷春春亦知  
春寒作意減春姿  
郡齋夜雨梅花落  
正是羈人夢醒時

二月十五夜見月

積雨春光半  
初晴月正圓  
廣庭靜流碧  
高樹淡生煙  
有客愁今夕  
相看隔舊年  
明朝南浦棹  
照我驛樓邊

章江舟次和蘇琛溪韻



打鼓津頭泛小舲，倚舷瀾望野雲冥。  
兼旬積雨濃陰重，一片春潮極浦青。  
流水送殘今古夢，好花開遍短長亭。  
君看隄上隨風絮，飛入空江又化萍。

曉望

濛濛極浦曉雲生，十幅蒲帆一日程。  
江漲水浮天影動，風高舟劈浪花行。  
空隄歸燕爭高下，荒驛垂楊管送迎。  
渡口微茫春草綠，吳山千里若為情。

初晴舟發苦竹洲

苦竹洲邊宿雨晴，江村風景近清明。  
柴門流水山棠發，

成壘斜陽野蔕生。社燕歸時春社散。潮雞啼處午潮平。  
兒童慣踏青溪路。倒跨烏犍傍險行。

### 新柳

年年消息灞橋東。細雨輕煙發幾叢。淺水雙灣微蘸綠。  
小樓一角未遮紅。嫩寒極浦初聞笛。薄暝孤村漫繫驄。  
可是春來添別思。腰肢瘦損不禁風。

### 舟中見紫藤花作

江行十里無人家。渡頭惟見春藤花。縱橫老蔓走喬木。  
深淺芳英墮碧沙。江南好憶東風暖。此花開時及春晚。

旗亭貰酒白玉瓶畫船賭曲青絲管幾年孤負故園春  
憔悴相逢寂寞濱青衫小立凝眸睇花亦應憐江上人

旦發

旦發春江濤江上春雲漬綠萍約舫柔芳草緣溪細林  
薄散幽聲禽聲隔空翠遙聞鐘磬音泠然發清思

登就亭懷施愚山先生

先生守道  
臨江時建

百年風雅此亭留知是宣城昔日遊江派過城通贛水

山光隔縣到巴邱竭來詞客思前輩每聽黎民說故侯

一片綠蕪雙燕子夕陽何處問愚樓

舊有愚樓  
今廢

小飲就亭醉後眺望慨然有作

山靄林霏晝不開登臨客思易悲哀鶯花荒郭春陰盡

風雨殘樽暮色來隔浦綠樟存舊鎮

樟樹鎮為王文成公誓師處

連

天青草憶空臺

陶桓公讀書臺

川原奇氣猶盤鬱不見當年出

世才

家大人招幕中諸君晚集就亭

新綠初深雨乍停招邀羣屐集幽亭江通樹色生孤白

山合煙霏失遠青公退清談攜茗具晚涼詩思在蘋汀

使君湖上琴樽罷

臨江使君湖因愚山先生得名

應許佳遊屬鏤廳

清江道中

古渡綠陰低人家半水西叢篁當路密幽鳥過村啼衆  
澗歸溪合羣峯傍堞齊夕陽多暮色蒼翠使人迷

曉發分宜縣

曉色分前路初陽散古原四山青入郭萬樹綠藏村澗  
雜禽聲細煙深虎氣昏鈴岡真誤國史筆後人論

鈴岡

我行鈴岡路瞻望鈴岡頭松柏夾山麓猿鳥交山幽惜  
哉故相居乃使山靈羞我聞嘉靖朝政府工陰柔滿朝

皆指鹿三殿如沐猴誰歟司耳目達官趙與仇誰歟弄  
牙爪廝養羅與牛楊沈大君子恣意紛度劉譬若樹荆  
棘蘭艾為新標更聞起甲第夾道亘朱樓綺羅逮賤後  
笙竽沸皇州那知田野閒餓莩填渠溝那知邊塞上白  
骨成山邱六官走魑魅九廟呼鵩鷃明社十一傳濫觴  
不可收鈴岡讀書時避喧慕前修十年蘊霖雨朝野思  
嘉猷噫嘻巢許輩竟是共驩儔君子志詩書豈徒誦習  
求窮則為孔孟達則為伊周學人永終譽志士恥下流  
立身苟一敗僂辱伊誰尤慎之在出處忠信乃良謀

過某氏山莊

綠樹村莊迴絕塵  
藥闌花塢鳥啼頻  
但知小住為佳耳  
未識先生何許人

宜春道中見新秧作

布穀聲聲春後聽  
稻田高下接郊坰  
隄引水初過隴  
向午分苗各聚町  
別浦犢歸雲護綠  
遠畦蛙鬧雨連青  
兒童自愛驅秧馬  
却笑征鞍不暫停

袁州郡樓晚眺

高樓暮色接蒼茫  
有客登臨倚夕陽  
楚澤風煙三峽動

漢家符璽五臺荒  
隔江亂竄尊前合  
入檻飛泉枕上涼  
更向月中吹鐵笛  
猿聲一夜滿清湘

南昌舟次

江鄉晚照亂蟬嘶  
淺水平沙放棹時  
入夜最欣秋暑退  
薄遊休悵客程遲  
隔溪深竹藏漁火  
落浦明霞映酒卮  
為語移舟垂柳岸  
月斜風細好裁詩

晚泊

月出照汀洲  
江空夜色幽  
星河低浦樹  
風露近灘舟  
亂葦漁塘夕  
涼螢水驛秋  
我行殊未已  
信美不能留



盱江早秋

席帽征衫笑轉蓬  
軍山客館聽西風  
無端楚澤初聞雁  
知是吳江又落楓  
簫曲山名冷煙山竹翠  
麻源秋雨石泉紅  
欲尋華子岡邊路  
籥屐登高想謝公

雨夜

涼颼楚瑟夜如何  
孤燭蕭齋一浩歌  
夢落洞庭波四起  
人來建武雁初過  
雨從絡緯聲中密  
秋在芭蕉葉上多  
最愛曉來吟望好  
麻姑青翠洗雙螺

遊從姑山以不得至麻姑為悵

衆山羅南軒雨後青滿屋縹緲望仙靈丰容眷寤宿晨  
興理輕策出郭逞遐矚松飈薄遙旻曉甸涵秋綠從姑  
山頗佳簫屐尋其蘂藤搖挂澗猿薜破走巖鹿逍遙憩  
前峯緬想羅公躅

飛鼇

峯名

凌虛空伏虎

洞名

瞰厓谷玉泠漱瓊華石筍潤芳

沃五丁鑿窾窾雲氣騰山腹長天一罇明陡壁雙崖束  
陰壑迴秋陽遠風戛修竹石梁亘孤虹千尋駕空矗攬  
衣馳大觀臨崖怯弱足乃知造物功令我心神肅

音讀謝公詩曾記麻源谷相隔在咫尺曷以慰幽獨暮

歸抱快悵衷腸如轉轂天風颯然來吹我仙壇宿摩挲  
魯公碑斑斕不可讀恍惚遇羣真袖出崆峒錄控鶴遊  
東瀛海水搖空綠脩焉鯨濤紅朝陽絢若木殘夢落山  
陰天雞弄聲嗟

臨川道中

鴻雁燈前至風濤枕上聽蕪葭搖亂白橘柚變深青蟲  
語隨孤棹漁歌聚一汀披衣涼夜起極浦浸寒星

返棹之南昌

寒聲醒客夢落葉滿歸船江白迴生雨山青淡化煙五

湖秋水外一雁楚雲邊草色如前度經過總可憐

南昌郡樓晚眺

郡樓昨夜有微霜獨客登臨思易傷葉下鄱湖秋色遠  
雁飛翻衡嶽楚天長仙人壇古蛟蛇動帝子洲空竹樹荒  
太息張華異時代斗牛何處辨干將

寒夜

薄暮悲風急空庭朔氣增雨敲堆逕葉霜壓近窓燈永  
夜門孤掩高吟几獨凭鐘聲起鄰寺岑寂共枯僧

冬日

商意滿平楚朝陽散薄穹陰階能受雪禿樹不留風庭  
石危寒綠池萍老雜紅獨憐雙桂樹未改舊時叢

雪後室人取酒酌余索詩口占應之

朔風吹雪滿南樓樓外寒梅花著不為語我能供斗酒  
不須君脫鷗裘

玉梅三朶試新醕酒半相推白雪才呵就凍毫剛欲下  
却嫌柳絮一聲來

遊百花洲

連騎尋名苑孤情在遠汀雪消寒溜碧雲破暮山青逸

蹟蘇公圃高風孺子亭一聲清鶴唳塵夢喚誰醒

送陳慎珍歸福安兼寄汀州項雨亭

南離朱鳥雄踰踰赤鳥驚飛藏日輪扶桑陽枝拂鯨澚  
流景天閭照七閩龍堂靈彩聚金碧珊瑚琪樹紛曄雲  
珠香象瑁更難數寶氣吐欲浮黃嬭昔遊茲地紀方物  
十色五光非臆陳不知百貨乃閨餘正氣鬱鬱雄人文  
卽我耳目所聞見陳侯項侯皆不羣南州相識已傾蓋  
長安縞紵何殷勤元龍湖海負豪氣韜匿光采隨風塵  
時人莫問懷中璧儒者空儲席上珍昨聞項侯理歸策

之子亦憶家山春重看舊日雙珠返海上榮光照鳳麟  
人日雪後小飲示幕中諸君

剪燭圍爐話淺更廣除積素上簾旌月明高館梅無影  
風觸低櫺竹有聲佳興共謀人日醉好春先向酒顏生  
座中多少鄒枚侶賦雪梁園舊擅名

和何數峯章江望月之作兼示蘇琛溪

照起新愁與舊愁清光一片浦西頭刀環信遠羈人夢  
玉笛聲寒少婦樓底事風流何水部也同憔悴白江州  
今宵盡是懷千里不及歸潮載影流

送幕中諸君之九江

廬阜雲為海鄱湖水是天猿聲連暮雨樹色亂春煙關  
驛勞征夢鶯花送客船潯陽江上泊莫聽舊哀絃

章江曉望

章江臨傑閣登覽亦雄哉湓浦春潮接豐城曉樹開日  
華浮水動山翠壓人來欲作東吳望煙波首重回

泛江

風急水淙淙輕橈泛小艘浦雲常覆渚溪鳥欲窺窓雨  
色開三楚潮聲落九江春洲有芳草移棹采蘭茝



雨中遊西竺禪林

放艇招提野趣深  
江雲天半罨春陰  
煙中樹色藏花嶼  
雨外山光滿石林  
啼鳥數聲清客夢  
落梅一逕悟禪心  
獨憐咫尺維摩地  
今日初為帶笠尋

續夢中句

十笏小樓紅杏野  
三篙新漲綠楊湖  
東風吹夢江南路  
燕笋河豚上市無

懷幕中諸君於九江

別時南浦草初生  
楊柳翩翩動旅情  
五老雲霞晴郭影

九江風雨夜潮聲  
庾公明月愁如許  
白傅青衫淚易成  
獨上郡樓迷望眼  
朦朧樹色隱吳城

沈蕙圃聞絨齋主豫章官舍明日卽有九江之行  
卽席有述

千里喜君至頻年契濶餘  
燈前今夜酒篋裏故人書  
稻蟹知饑歲蒿萊問敝廬  
明朝南浦棹渺渺又愁余

懷何數峯楚中

千里傷春心洞庭芳草碧  
暮雨潯陽船春風武昌笛  
何處寄相思美人在南國  
月明理雲和哀猿滿湘澤  
北瞻

鸚鵡洲南問三閭宅靈均騫孤標正平踵遺則幽蘭被  
清露餘芳未消歇若逢鼓枻人勞勞感行役

聞賣花聲

春煙撩亂雨如絲倦擁香篝冷不支樓外賣花低喚處  
東風紅到海棠祠

題江蘭野書劍圖

時客南昌  
總戎幕

先生將軍之上客幕府狂歌拓金戟篋裏陰符秋雨驚  
吳鉤出鞘霜天碧將軍重鎮西南雄翠旂十丈風雲通  
帳前貔貅束韎韐好士獨有平原風先生長揖將軍起

虎帳談兵目光紫三畧六韜指掌閒何物書生乃如此  
有時夜飲張華燈酒酣劍舞何峻嶒將軍嚴節度先生  
杜少陵先生休嗟髡毛禿偃蹇江村舊茅屋有子學書  
復學劍生來骨相飛食肉

南昌將軍閱武歌為張總戎賦

雨晴苔草春鬢髻東風射圃開平沙叱撥紅韉好粧束  
翠旂斜拂春藤花閱武堂前吏撾鼓畫角三聲調激楚  
材官五百繡兜鍪後短之衣健如虎長弓八石餓鳴  
的暈重圓樓鵠舉高矛大戟飛旋盤劍鏑刀鋒雪作團

爛如十丈匡廬瀑頓令六幕風生寒一呼春雷塌山嶽  
江水三日猶波瀾忽聞鉦聲寂不動柳陰踈地旌旗閒  
甲盾一軍更奇絕風雨憑陵起倉卒左以防身右殺人  
起伏屈伸鼓為節矯捷松梢倒挂猱飛騰臂上盤空鷲  
持稍健兒復繼進銳刃偏身爭一瞥自笑鯁生控弱驄  
何曾學劍事猿公今日乃從壁上見肝膽亦作千夫雄  
將軍中朝衛與霍西南重鎮來開幕方今六服樂承平  
斥堠無煙息征鐸

至尊講武秋巡邊萬騎期門羽衛連岐陽之鼓東都狩

靜厓詩初稿

卷三

六

詩書那數誇成宣

盛世備兵兵不用將軍之功麟閣傳從今燕領封侯貴  
何必成功在玉關

送春

去年春盡還為客明歲春歸倍憶家只有今朝好風日  
尊前容易看飛花

初夏晚窓卽事

芭蕉影裏坐攤書半晌清閒百不如新綠簾櫳春去後  
淡黃庭院月來初  
荒齋速客三升酒小圃歸僮一剪蔬

休笑十年塵網內那無幽夢到樵漁

題邊明府勸農圖

惠風散芳甸廣庭夏已深微雨過池塘新綠浮林岑長  
官感時候慨然澤物心夙駕出東郭前旌憩南潯弭節  
聽啼鳥閒關弄和音

草木旣昭蘇老農知時早候曉出柴門新秧風嫋嫋一  
插使秧齊再插使秧好忽聞長官來閒暇無驚擾及時  
勤乃業毋使秧枯槁

撤蓋坐茂林脫幘觀藝植無謂勞力人而與勞心異春

靜厓詩初稿

卷三

九

陌載耒耜秋場刈禾穗曉行常見星暮歸露已墜小兒  
驅犂牛健婦餉村饋所慮旱潦災重以征徭累勞撫  
字心切切發深喟披圖一見之藹然古循吏

靜厓詩初稿卷三